

« turæ puritatem sive sanctitatem transcendens, incomparabili sublimitate hoc promeruit ut reparatrix perditæ orbis dignissime fieret. » Et hoc ipsum confirmat, quod S. Bonaventura ex sententiis Patrum docet : Dei gloriam magis in sola Virgine quam in cæteris Dei operibus pure creatis relucere, atque adeo perfectiones omnes in cæteris rebus divisas ac distributas, in Virgine Beata excellentiori modo esse congregatas; et accommodat verba illa : « Omnia flumina intrant in mare, et mare non redundat; » quia omnia flumina gratiarum intrant in Mariam et dignitatem ejus non excedunt. Unde, sicut in mari, inquit, ita in Maria sunt congregationes gratiarum, quod Hieronymi verbis confirmat dicentis : « Cæteris per partes præstatur, Mariæ vero simul se tota infundit gratiæ plenitudo. » Affert etiam id Eccles. xxiv : *In plenitudine sanctorum detentio mea.* Et cum Bernardo sic explicat : « Ideo in plenitudine sanctorum Mariæ detentio fuit, quia in mirifica perfectione sua plenitudo perfectionis omnium sanctorum illi non defuit. Quod interpretatur et evolvit de singulis virtutibus et gratiarum generibus, possumus autem ob eandem rationem de omnibus gratiæ sanctificantis gradibus intelligere. In eandem doctrinam recte affertur Richard. a S. Laurentio, qui de laudibus Mariæ ita explicat, illud Psal. 47 : *Magnus Dominus et laudabilis nimis in civitate Dei nostri;* « quasi vero non debuerit dicere Deum magnum in cælo, sole, astris, angelis, sed in civitate Dei nostri, Maria scilicet quæ tota Dei fuit et propter Deum tota; in qua magis manifestatur Dei magnitudo quam in omnibus aliis creaturis simul sumptis. » (S. Thomas, part. 3, quæst. xxvii. art. V.)

Nota (H). PAGE 177.

S. Irenæus : « Quid est quod sine consensu Mariæ non perficitur mysterium Incarnationis, quia nempe vult illum Deus omnium bonorum esse principium? » S. Petrus Chrysologus sic exponit causam hujus consensus exquirendi : « Audistis agi ut homo iisdem cursibus, quibus delapsus fuerat ad mortem, rediret ad vitam : agit cum Maria angelus, quia cum Eva angelus egerat de ruina,

« ut nostræ perditioni, conveniens nostræ reparationis principium responderet. » Gulielmus, super *Cantica* : « Incarnatus Deus præmisit ad eam (B. V.) unum ex familiaribus suis ut consensum et cooperationem ejus flagitaret, quippe nolebat Omnipotens suæ Incarnationis miraculum operari in Ipsa, non cooperante Ipsa, nec carnem volebat assumere ex Ipsa, non dante Ipsa. » Similia prælocutus fuerat Ambrosius : « Nec sane, inquiebat, operatur Deus in electis suis, ut artifex in materia inanimata et insensibili : requirit ille assensum nostrum, quem etiam angelus ex Virgine assecutus est, cum illa dixit : *Ecce ancilla.* » Gulielmus Parvus, ad *Cantic.* : « Poterat quidem Deus Incarnationem celebrare, Maria nesciente, nec consentiente, nec carnem dante; sed maluit sumere non tantum ex Ipsa, sed ab Ipsa sciente, sentiente, consentiente et offerente, ad gloriam Matris. » — Sancti Patres Augustinus et Bernardus pie contemplantur totum mundum quasi ad Virginis genua provolutum, eam ad assentiendum angelo nuntianti suppliciter orantem.

S. Augustini (serm. 17, de *Nativitate Domini*) Beatam Virginem cum angelo colloquentem compellat his verbis : « Responde jam, Virgo sacra? Assensum tuum angelus prætolatur. Inde est quod nuntius iste moratur; jam audisti : *Spiritus sanctus superveniet in te, et virtus Altissimi obumbrabit tibi,* ut prolem gignas et virginitatem non perdas. Janua cæli per Adam quondam clausa jam sonuit, per illam nuntius iste processit, Deus in porta est : Angelus quem moraris exspectat. O Maria, sæculum omne captivum tuum deprecatur assensum; te Deo mundus suæ fidei obsidem facit, per te parentum tuorum injurias abs tergi deprecatur; est nobis in cælum aditus, si assensus tuus fuerit commodatus, et nobis succures et tibi : quia nobis pœna facesset, et tibi nuptias Filio suo in tuo thalamo Pater præparabit. » Deinde ad nuntium : « O tu, Angele, tanti regis nuntie, et secreti divini legate, fave partibus sæculi, conscius secretorum cæli; lætabuntur socii tui, si negotium juveris mundi. Nos a vestro consortio impietatis mucro divisit, per vos de redivo nostro tractetur. » Inspice squalentem carceris nostri miseriam, et loquere festinus ad Mariam. Usquequo moraris, Virgo, nuntium festinantem? intuere Deum in cæli vestibulo me sustinen-

« tem? Responde verbum, et suscipe filium. Da fidem, et
 « senti virtutem. Pande sinus roseos, Virgo perpetua. Fides
 « tua modo, aut aperit cœlum aut claudit. *Ecce*, inquit,
 « *ancilla Domini*. Introeat Rex in cubiculum suum. *Fiat*
 « *mihi secundum verbum tuum*; nec mora, revertitur nun-
 « tius, et nuptialem thronum ingreditur Christus, accepit
 « stolam carnis, in thalamo Virginis, intra thesaurum ma-
 « jestatis sacculus carnis cessit, divinitati sponsatur homo.
 « præmium accipit caro. » Mellifluus Bernardus (hom. 4,
 super *Missus est*) in eundem sensum Deiparam alloqui-
 tur: « Expectat angelus responsum, expectamus et nos,
 « o Domina, verbum miserationis. In sempiterno Dei Verbo
 « facti sumus omnes, et ecce morimur, in tuo brevi res-
 « ponso sumus reficiendi ut ad vitam revocemur. Hoc sup-
 « plices a te, o pia Virgo, flebilis Adam cum misera sobole
 « sua, exul de Paradiso, hoc Abraham, hoc David, hoc cæ-
 « teri flagitant sancti Patres, Patres scilicet tui qui et ipsi
 « habitant in regione umbræ mortis, hoc totus mundus ge-
 « nibus tuis provolutus expectat. Nec immerito, nam ex
 « ore tuo pendet consolatio miserorum, redemptio captivo-
 « rum, liberatio damnatorum salus denique universorum
 « filiorum Adam, totius generis tui. Da, Virgo, responsum
 « festinanter. O Domina, responde verbum, quod terra, quod
 « inferi, quod expectant et superi. » Hæc S. Bernardus. —
 Huic quoque assensui Virginis salutis nostræ negotium defert
 S. Fulgentius, cujus sermo quorundam sensu, reperitur
 « inter sermones S. Augustini (Serm. 18, *de Sanctis*), ubi
 « ait: O beata Maria, quis tibi digne valeat jura gratiarum,
 « ac laudum præconia rependere, quæ singulari tuo assensu
 « mundo succurristi perditio? quas tibi laudes fragilitas
 « humani generis persolvat, quæ, solo tuo commercio,
 « recuperandi aditum invenit? »

Subscript B. Laurentius Justinianus (serm. *de Annun-
 tiat.*) agens de verbis illis: *Ecce ancilla Domini*: « Isto
 « unico, inquit, responso complevit cœlum gaudio; angelis
 « omnibus exultationem præbuit; captivo sæculo spem dedit,
 « dæmones universos exterruit, astantem, lætum fecit nun-
 « tium, ac detentis in inferno Patribus libertatis gratiam re-
 « promisit. Affectu quippe avido, extensis in cœlum mani-
 « bus, propatulo cordis auditu, hujuscemodi præstolabantur
 « responsum. Erat nempe illis præ libertatis amore diuturna

« nimis expectatio, pavidaque observatio, ne ob humilita-
 « tis virtutem resisteret Virgo, consensumque negaret. Ve-
 « rum, ut datum a Maria perceperunt responsum, omnes
 « pariter prorumpentes in laudem, Domino decantavere,
 « dicentes: *Benedictus Dominus Deus Israël, quia visi-
 « tavit et fecit redemptionem plebis suæ.* » Et ipse S. Ber-
 nardus Senensis: « Ipse quoque Dominus, quantum
 « concupivit decorem tuum, tantum desiderat et respon-
 « sionis assensum in quo nimirum proposuit salvare mun-
 « dum. » Et iterum: *Ecce affertur tibi pretium salutis*
 « nostræ; statim liberabimur, si consentis. »

Nota (I). PAGE 188.

S. Augustinus, vel, juxta alios, Sophronius, hæc protulit
 verba: « In Christo fuit plenitudo gratiæ sicut in capite
 « influente, in Maria vero sicut in collo transfundente. »
 Porro, si hanc similitudinem admittimus, nihil accipere
 possumus a Christo quin per Mariam transeat; sed omnia
 dona gratiæ a Christo procedunt. Ergo... — S. Bernardus
 in textu jam supra allato hanc doctrinam exprimere videtur;
 sic enim se habet loquens de Maria: « Omnibus miseri-
 « cordiæ sinum aperit, ut de plenitudine ejus accipiant uni-
 « versi;... ut non sit qui se abscondat a calore ejus. » Et
 alibi loquens ad Mariam: « Per te, inquit, accessum habe-
 « mus ad Filium, inventrix gratiæ, mater salutis, ut per te
 « nos suscipiat qui per te datus est nobis; » quasi diceret
 nos non posse accedere ad Christum nisi per Mariam, eodem
 modo ac non possumus accedere ad Patrem nisi per Chris-
 tum. — Et idem S. Bernardus sermone *de Nativitate Vir-
 ginis*: « Nihil habere nos, Deus voluit, quod per Mariæ ma-
 « nus non transiret. » — S. Thomas (opuscul. 8, *Comment.*
in Ave Maria) ita hanc doctrinam profiteri videtur: « Di-
 « citur autem Beata Virgo plena gratiæ quantum ad tria...
 « Tertio, quoad refusionem in omnes homines. Magnum
 « enim est in quolibet sancto, quando habet tantum de gra-
 « tia quod sufficit ad salutem multorum; sed quando habe-
 « ret tantum quod sufficeret ad salutem omnium hominum
 « de mundo, hoc esset maximum; et hoc est in Christo et
 « in Beata Virgine, nam in omni periculo potes salutem

« obtinere ab ipsa Virgine gloriosa; unde (*Cantic. iv*): *Mille clypei*, id est remedia contra pericula, *ex ea pendent*.
 « Item in omni opere virtutis potes eam habere in adiutorium, et ideo Ipsa dicit (*Eccli. xxiv*): *In me omnis spes vitæ et virtutis*. » — S. Laurentius Justinianus: « Quo modo non est plena gratiæ quæ effecta est paradisi scala, cæli janua, Dei atque hominum verissima mediatrix? » — S. Bernardus (serm. *de Nat. Virg.*): « Intuemini quanto devotionis affectu a nobis, eam voluit honorari qui totius boni plenitudinem posuit in Maria, ut proinde si quid spei, si quid gratiæ, si quid salutis ab ea noverimus reddundare... » — S. Antoninus (*Ps. iv, tit. xv, cap. 20*): « Per eam de cælis exivit, quidquid gratiæ venit in mundum. » — Et S. Bonaventura: « Quia sicut luna inter corpora cælestia et terrena est media, et quod ab illis accipit ad inferiora refundit: sic et Virgo regia inter nos et Deum est media, et gratiam ipsam nobis refundit. » Et alibi: « Nullus potest cælum intrare, nisi per Mariam transeat tanquam per portam. » Et in *Speculo*, cap. III: « Cum tota natura divina intra Virginis uterum exstiterit, non timeo dicere quod in omnes gratiarum effluxus, quamdam jurisdictionem habuerit hæc Virgo de cujus utero, quasi de quodam divinitatis oceano, flumina emanabant omnium gratiarum. » — S. Bernardus Senensis magis explicite loqui videtur: « Et tempore quo Virgo mater concepit in utero Verbum Dei, quamdam, ut sic dicam, jurisdictionem obtinuit in omnem Spiritus sancti processionem temporalem, ita ut nulla creatura aliquam a Deo obtinuerit gratiam nisi secundum ipsius piæ Matris dispensationem. » (Serm. IX, tract. I, art. 8.) Et alibi: « Per Virginem a capite Christo, vitales gratiæ in ejus corpus mysticum transfunduntur. » (Serm. LXI, *de Nativitate*.) — S. Richardus: « Deus quidquid boni dat creaturis suis, per manus Matris Virginis vult transire. » — Venerabilis abbas de Celles: « Accede ad Virginem, quia per ipsam mundus habiturus est omne bonum. » — S. Ildephonsus: « Omnia bona quæ illis summa Majestas decrevit facere, tuis manibus decrevit commendare; commissi quippe sunt thesauri et ornamenta gratiarum. » (*In cor. Virg.* cap. xv). Et denuo S. Bonaventura (*in Specul.* cap. vi): « Quicumque Spiritus sancti gratiam adipisci desiderat,

« florem in Virga quærat; per Virgam enim ad florem, per florem ad spiritus pervenimus. » Nec minus expresse alio in loco: « Habet enim Mariam plenitudinem gratiæ inundativam, quia omnes gratiæ in nos a Virgine ac per Virginem effunduntur, de cujus plenitudinis abundantia respersa reviviscit omnis creatura. » Idem auctor alibi: « Nusquam invenitur Christus nisi cum Maria, nisi per Mariam; frustra igitur quærit, qui cum Maria non quærit. » Et alibi: « Ipse sine nutrice non potest salvari; quemadmodum infans sine nutrice non potest vivere, ita sine Domina nostra non potes habere salutem. » — S. Petrus Damianus: « In manibus tuis omnes thesauri miserationum Dei. »

Nota (J). PAGE 201.

Quantum autem circumstantia apta fuerit ad hoc mysterium adimplendum sic explicat Bossuetius (*Sermon sur la Nativité de la Sainte Vierge*, 2^e point): « Et d'où vient que notre Sauveur a voulu attendre cette heure dernière pour nous donner à Marie comme ses enfants? En voici la véritable raison: c'est qu'il veut lui donner pour nous des entrailles et un cœur de mère. Et comment cela? direz-vous. Admirez le secret de Dieu: Marie était au pied de la croix, elle voyait ce cher Fils tout couvert de plaies, étendant ses bras à un peuple incrédule et impitoyable, son sang qui débordait de tous côtés par ses veines cruellement déchirées; qui pourrait vous dire quelle était l'émotion du sang maternel? Ah! jamais elle ne sentit mieux qu'elle était mère; toutes les souffrances de son Fils le lui faisaient sentir au vif. Que fera ici le Sauveur? Vous allez voir qu'il sait parfaitement le secret d'émouvoir ses affections. Quand l'âme est prévenue de quelque passion violente, elle reçoit aisément les mêmes impressions pour toutes les autres qui se présentent. C'est pourquoi le Sauveur Jésus, qui voulait que sa Mère fût aussi la nôtre afin d'être notre frère en toute façon, considérant de sa croix combien son âme était attendrie, comme si c'eût été là qu'il l'eût attendue, il prit son temps de lui dire, en montrant saint Jean: « O

« femme, voilà votre fils. » Ce sont ses mots, et voici son sens : O femme affligée, à qui un amour infortuné fait éprouver maintenant jusqu'où peut aller la tendresse et la compassion d'une mère; cette même affection maternelle qui se réveille si vivement en votre âme pour moi, ayez-la pour Jean, mon disciple et mon bien-aimé; ayez-la pour tous mes fidèles, que je vous recommande en sa personne, parce qu'ils sont tous mes disciples et mes bien-aimés, etc. »

INDEX

TRACTATUS DE BEATA MARIA

PREMIUM in quo exponitur scopus operis, fontes argumentorum designantur, et methodus operis proponitur. . .	1
CAPUT PRIMUM in quo evolvitur summaria divisio Tractatus	9

PARS PRIMA

DE DIGNITATE MATRIS DEI

CAPUT PRIMUM

UTRUM B. MARIA VERE SIT MATER DEI

<i>Quæritur</i> 1 ^o Utrum posito decreto Incarnationis conveniens fuerit Deum sibi assumere matrem? . . .	13
Exponuntur variae congruentiæ diviniæ maternitatis :	
1. Ex parte Dei.	14
2. Ex parte Christi	19
3. Ex parte nostri.	20
<i>Quæritur</i> 2. Utrum B. Maria revera sit Mater Dei.	21
<i>Propositio prima.</i> B. Maria Christum quatenus hominem vere genuit ex sua substantia.	22
<i>Propositio secunda.</i> B. Virgo vere ac proprie vocari potest Mater Dei	24